



SAKSPAPIR

Saksnr	Utval	Type	Dato
09/2020	Kommunestyret	PS	25.02.2020

Sakshandsamar	Arkiv	ArkivsakID
Ann Kristin Bolstad	FA-B90	20/214

ENDRING AV NAMN PÅ DALE BARNE- OG UNGDOMSSKULE

Rådmannen sitt framlegg til vedtak:

Vaksdal kommune endrar frå 1. august 2020 namn på Dale barne- og ungdomsskule til Dale skule.

Kommunestyret - Sak 09/2020

KOM - Behandling:

Rådmannen sitt framlegg til vedtak vart samrøystes vedteke

KOM - Tilråding/Vedtak:

Vaksdal kommune endrar frå 1. august 2020 namn på Dale barne- og ungdomsskule til Dale skule.

Saksopplysningar:

I 2004 vart Dale skule og Dale ungdomsskule slått saman til ein skule og namnet på skulen vart Dale barne- og ungdomsskule. Skulen var ved samanslåing delt i to ulike bygg og to kollegia. Dei tilsette var knytt til undervisning anten ved barneskuletrinnet eller ungdomsskuletrinnet. I perioden frå 2004 og fram rivinga av skulebygga i 2018 har skulen hatt undervisning i ulike bygg, men dei tilsette med kompetanse både til barne- og ungdomstrinnet har hatt undervisning begge stader. Skilje mellom kollegiet på barnetrinn og ungdomstrinn har vorte borte i perioden.

Frå hausten 2020 vil skulen flytta inn i eitt nytt, flott skulebygg og det fysiske skilje mellom barnetrinn og ungdomstrinn vil vera vekke samanlikna med tidlegare.

Det ein misser ved å endra frå barne- og ungdomsskule til skule er indikasjonen på at det er ein skule for 1. – 10. årssteg. Samstundes heiter det Eksingedalen skule sjølv om det òg er ein skule for 1. – 10. årssteg. Dei andre skulane i kommunen indikera heller ikkje ved namn at dei er ein barneskule for 1. - 7. årssteg.

I søk på skulenamn i Noreg finn ein ikkje at andre skular i landet heiter Dale skule.

Rektor Magnar Helland har drøfta namneendringa i Samarbeidsutvalet ved skulen og utvalet støttar namneendring til Dale skule.